

-Wo kpö =bhlězë

'Wuntaɔ bɔ 'sëədɰe =nɛ -më -kë
'ö =bɛɛn ü -de -wo 'gü i ?

-Më -kë 'ö 'wo- =bεεn- =Dan -wo 'sloo 'gü
i?

-Më -kè 'ö yaa =bɛɛn'- 'kwi -wo -nu,
=glɛɛ'- wo -nu, 'Lüma -wo -nu -an gbɛ
'gü i?

-Wo =vava -nu 'ö 'kwa -an 'tə pō bhē,
-wo -an -də 'kpongtaadhe -todhösü 'gü,
-an -bha -kē =bhlēzē -sü bhē, -wo -zən
'kpongtaame 'kpəkpe wö 'dhiö -sü 'ka.

-Yõ-dhẽ-ma-kun 'põ kö 'kwa-zõn
=nẽ kwa 'kpõ-wo 'õ =Danwo 'ka bhẽ, -yõ
'bhee-, 'yõ-bha kö -a-bha -kẽ =bhlẽzẽ
-sũ bhẽ 'kwa-zõn mẽ -nu dhẽ =nẽ-kõ
-yõ-wo mẽ 'wo to 'kwa-an-bha 'wun ma
-a 'ka bhẽ -a 'dhõ.

'Sëëdhε =nε -a =bεεn -sü -gen təə -më -ε?

-Wo-nu 'ö -Zlan-ya-da 'kongtaa bhë,
-a 'bhaa gbe 'yaa =bhlëzë -yaan zië ö 'bha
-ta. Pë 'yi- -dhe ka -gö 'ö tso kö me 'ö
-dhö -yö ö -de-wo 'sü -së =ne-ko 'ö -wo
me 'wo to 'wo- 'ka -a 'dhö. -A-wun 'gü
-yö -dhe -ma -kun kö ü -de-wo bhë 'ü-
=daan'.

-A -wun 'gü, yi -bha mə -nu -wun
'gbeežē, 'wuntaɔ bɔ 'sēēdhe =nɛ yi- -bho
gəu 'dhō kō pē 'ō- -wun to kwa -gɔ bhē,
-ya -ta pa ; 'iin 'zü kō 'wun -nu 'wo kē
-na kwa -bha =daanwo pō 'pian -ta oo,
Kotivɔa -sɛ 'gü oo, 'iin 'kpongtaadhe
'kpekpe 'gü kō =kun 'kwa dho -ya kwa tii
-bha -a -wun 'gü.

=Ya 'gomü, -yö -së kö 'ü- kē =ne
gəon- 'wo- 'to kpə Samali mi kēwun
-sēēzē 'ka bhē -a 'dhö. Gəon- 'ö bhē -yö

-kpən mɛ do -bha zian kō kēpəyaame -nu
=waa- -gi, -yō waannu -sū 'ka -kpinng
'dhiō. 'Yō- sū 'yō dhoē, 'wo- 'dhe -kē 'yō
-kē 'pōnōpōnō. =Ya kē -be Samali mi =nɛ
yaa nu mɛ 'wo- -gi bhē -a -dhē -be -mē 'ō
dhoē- kē -o? Gōən- 'ō bhē, -yō -dhō -ga
zian -ta 'kpaan 'waawa.

-A -gɛn tɔɔ 'õ =ya kě nɛ ü 'ka ü -de
-wo =bhlě -ya -a -bha, 'tõng 'bhaa -dhõ
dɔ 'õ =dhõng 'õ go 'sɛ -ta.

=Ya 'go mu, me 'ü ü -dewo =bɛɛn' -dhɛ
dɔ, ü -mɔa 'ü dɔ ü -yayɔɔ -gban -gɔ. -Bhö
kɛ =nɛ Samali mi 'dhö, 'ü nu -a -dhë.

=Ya kě =nɛ 'wun 'bhaa -yö ü -gə kö 'üën-
=blɛɛ' -yi -dhě, yi -bha dɾɛsü 'ö =nɛ :

08 B.P 857 Abidjan 08



Kwa -bha =Dan -se 'gü -wun

‘Kplotei ‘su ‘ö ‘kwi -nu -wa
-dhe =Zue’- bhë, ‘sü -a -dhekpäyi
‘göplë ö ga ‘södhu -bha ‘ö yöë -a
-dhekpäyi ‘gö- -yaaga -bha, =klang’
‘ö -ghan =zuö’ ‘gü bhüö -dhebokö
-bha -a -blæzë -yö -dho kë -Zuäng
Wiö ‘ö- kë =plë -naa -yö -kë
=Daandhö -a -da plöö yi -yö -kë ‘su
-dhekpäyi ‘gö- -yaaga ‘ka ‘yinia ‘ö-
‘dhiöto ‘su ‘kwa- -dhe -dödhe ‘ö ‘kwi
-nu -wa -dhe Utö bhë -a -dhekpäyi

=Klang' 'ö -gban =zuö' 'gü bhüö -dhebokə -bha.

‘slado ‘ka -dhekpəəndhiö. Mə -nu ‘wo
dho =klang’ bhë, mə =daan’ -a ‘ka
‘wo to Kəya Antəanö ‘ö pasütëë ‘ka
=Daandhö bhë ‘dhö, ‘Kato Bonifasö
‘dhö waa Gəngə Zan.

=Klang' =suu'- =nε -a kē -gen
 təw -mē -glu 'tōng 'ō =nε -a 'gü i ?

-Zotadhe =suu'- -nu =nɛ -a
-dɔ =kpɛũ'- mɛ -nu 'wo bhě, -wa -kě
'dhō kō pē 'ō -glu 'gũ, -a -bha pē 'gũ
=siō'- kɔ -nu bhě. kō 'kwa- dɔ, 'iin 'zũ

kō pē 'ō -gban -ziō mē -ta -sū bhē,
kō 'kwaan- dō. Mē -nu 'ō ka =dhōō
-yō -kē bhē, yi ka =faan' -mē 'ka 'dho
=klang' bhē -a -ta, kō 'kwa bō -a -ta
-glu -yō kē 'dōō zii 'kpaan 'ka.

=Ya 'go mü, 'sëedhε =plëezë
'ö kwa -de -wo 'gü -a 'dhɔɔ pë -nu
-wo -dhö kē 'ma. -Ka ka -depëkë kö
'kaan' ka -bha -nu 'dhɔ.

L'orthographe DAN Blowo

Voici ce que nous pouvons prendre pour savoir lire et écrire en langue Dan. Les consonnes et les voyelles que vous ne voyez pas ici sont les mêmes qu'en français. Attention: 1. <i>c, h, j, qu</i> et <i>x</i> n'existent pas en dan. 2. <i>r</i> ne se trouve jamais au début d'un mot. Voici le reste de l'alphabet :			ε 'pɛ déchirer ɛɛ =dɛɛ aujourd'hui =sɛɛ' natte ɛn -gɛn pied ɛɛn =gbɛn long 'ɛ 'pɛ credit aɔ 'kaɔ daba ɛɛn =klɛɛn entourer ɛa 'kpɛa sec ɛan gɛan scorpion gw -gwɔ caillou in 'bin fleur, image iin 'iin ou ee 'gbee fort kw =kwaa- main gauche ng¹ gbeng nuit oo 'too sauce o -dho amour ɔɔ =wɔɔ- singe ɔn 'yɔn huile ɔɔn =Sɔɔn comportement	ö pö dire öö =töö' panier u 'su lune un bun corps uun 'yuun asticot ü 'gü intérieur üü =glüü'- frotter üö 'güö brûler öü =bhöü'- tarir -Wo 'dho -kə (Les tons) 1 'lü ton Haut arbre 2 də moyen père 3 =zɛ bas termine 4 -tə Tombant Poule 5 lan- moyen + tombant Soleil 6 'Zlaa- haut-tombant → Petit frère 7 =glaa- Bas-tombant → Palmier 8 =laa' Bas-moyen → panthère 9 =See'- Bas - moyen-tombant : orange
--	--	--	---	--



'Kativɔa -se 'gü -wun

'Wun yaa kë-sü =ya =gbaɔn 'zü.

=Dhe 'wun yaa kë-sü 'dho 'dho -na 'dhiö -kplawo kwa -gɔ 'se 'gü bhë, 'se =kɔɔn me =ya -dɔ 'wun yaa -gɔ 'Yënnɔ -sü 'slë 'bhaa -zɔn, kö 'wun yaa -nu bhë -an 'plë =waan

=gbaannu. -A 'bhaa -nu 'wo tɔɔ me -dhö -ya -zian =mɛɛ' - kö -yö böü- 'kplo =luu' - ö -bha 'kɔ -zü -yö yöë 'koë- -a -ta -yö 'dho dhuö =gbɛɛn, =waa- kë 'dhö 'wo -piö kpong yö -a

'dhiö, 'wo -piö -glenng -kë 'wo- yö 'kɔ födhɛ (flentrë) -bha, me -nu 'ö =këa' 'dho -an -gɔ, -wo gben- 'dhiödhio -nu 'dho -wa yö kɔɔ, 'iin 'zü me -nu 'wo 'guun -nu 'gü -wo 'dho wo

'kou, -wo -dhe -maakë gbenng. Pë -nu 'wo bhë, -wo -dhemakun kö -yö kë =nɛ -kɔ bhë -a 'dhö.

'Kpongtaame 'kpekpe -bha -badhong -zuö-sü 'kupö 'yö dho kë -kwe 2006 'gü

'Kpongtaame 'kpekpe -bha -badhong -zuö-sü 'kupö 'ö 'dhoë- kë

-kwe 2006 'ka 'lüma -se 'gü bhë, -a -bla bhë, kwa -bha 'segɔ =nɛ -a -kɔ -ya 'gü

'pö. -A -wun 'gü kwa -bha 'següme 'kpekpe -kɔ -yö kwa -bha 'në -nu =zlö, kö

-yö kë 'dhö 'kwa 'to -a 'gbee- 'ka -badhong 'kpüi- bhë -a 'gü.

'Se 'gla -wun waa - Me =slɔɔ -pë -wun

'Në -nu -da yuö 'gbee- 'dhiö -sü.

-Kwaa kë -dhe =mɛɛ' - kö =kun 'ö =mlɛkɛn 'kwi 'puu -nu 'inn 'zu -a me 'wo to -nu, 'wo -kɔ kwa -bha -kakao 'dho -sü 'ka wo woë' =nɛ, kwa -bha ke- -yuö -nu bhë kwa 'në -nu 'yënnɔ -bhɔ -a 'gü. 'Wun 'ö kwa -bha 'dhiösüsekame -me -bha -dɔ =zɔng' -ta -wun 'ka 'tɔng =nɛ -a 'gü 'ö bhë. Bhii, Mlɛkɛn -nu -wa -pö 'tɔng -bha, -kwe 2001 'gü =nɛɛ : 'ö sü -kwe 2005 'ö =nɛ -a 'su 'wo- dhe

'kplotɛi 'ö 'kwi -ya -dhe Zue bhe -a -bha, 'segɔ =suu' - 'töüdhö 'ö 'dhoë 'ö -bha pë ta -sü yuö =gbaɔn 'në -nu 'ö -an -kwe yaa yö -kwe 'gɔɔdɔ ö ga 'slado (16) -bha =kun bhë, me gbe 'ka 'dho -an -bha kafe 'iin -kakao dho gbɔ. Bhii -wa -yö =nɛɛ, 'në -nu -vuu =kënnɔ =plɛ, ö -kɔ 'slɛaga, ö ga -yiisië (284 000) 'ö -an -kwe yaa yö 'gɔɔdɔ ö ga 'slado -bha =kun 'wo yuö -nu -kë pëdhɛɛdhe -nu

-bha 'gbee 'ka, 'ö- me -vuu =kënnɔ' do ö -kɔ 'sɔɔdhu ö ga yaaga (153 000) 'wo yuö -kë pë 'yi 'dhiödhio -nu 'ka pëdhɛɛdhö. 'Në -nu 'wo 'dhö bhë, -a me =vuu 'gɔɔdɔ ö ga =plɛ (12 000) 'waa pëdhɛɛdhe -me -nu gbe 'ka. -Wo yuö -kë =nɛ nua 'në -nu 'dhö. 'Wo- pö -a -kë 'dhö -sü bhë 'yaa -së. 'Wun =nɛ 'yaa kwa -bha Kativɔa -se 'sloo -bha 'wun 'ka, 'kpongtaadhe -todhösü -bha 'wun -mü. 'ö tɔɔ 'në

-nu -vuu mliɔn =kënnɔ -yaaga, ö -kɔ =plɛ ö ga 'sɔɔdhu 'ö yuö =suu' - =nɛ 'wo- kë -sü 'gü. 'Wo- dhe kwa -gɔ kö 'kwa dɔ -a -gɔ 'yënnɔ. Pë 'wo- pö kwa -dhë 'ö tɔɔ 'në -nu 'ö -an -kwe yaa yö 'gɔɔdɔ ö ga 'slado -bha =kun, kö =kun 'kwa -an yö =bhlö- -yuö 'gbegbe -nu 'dhiö. -Kwa dɔ -an -gban -gɔ kö -wo kë me 'ka -dhekpaadhia 'ka.

'Kpongtaadhe -wun

Bili Glaamö -bha -bhäköë -kaanta.

'Wuntaasë bɔ -me 'kpüi- 'ö 'kpongtaa, 'wo- dhe Bili Glaamö 'yö =mlɛkɛn mi 'ka bhë, -yö ö -bha -bhäköë -kaanta -kë 'su 'wo- dhe 'kplo 'ö =nɛ -a -dhekpaɔyi 25 'ka, -Zlan -bha me -nu gbung =va 'dhiö 'kwi -se 'wo- dhe Niu Yookö (New-York) bhë -a -bha. -Dhekpaɔyi -yaaga 'piö, 'wun 'ö -gban -kwe 'gɔɔ- 'slado (60) 'ö- -kë -Zlanwo =blɛɛ' -sü 'gü bhë -a -bha, 'yö 'wun =blɛɛ- -a

-bha. -Yö -ga 'totomɛ 'bhaa -nu 'gü =nɛɛ, -Zlan -bha yuökë -gɔɔn =va 'ö bhë, -a -bha -bhäköë =va -kaanta 'ö- -kë me gbung =va 'wo -mɔ melü -vuu =kënnɔ' =plɛ ö -kɔ -yaaga (230 000) -bha -an 'dhiö bhë.

'Wuntaasë bɔ -gɔɔn 'kpüi 'yö bhë -a -kwe =ya kë 'gɔɔ- 'slɛaga ö ga 'slado (86). 'Wun giagia 'ka 'yua 'wo- dhe bhlo bhë -ya bun 'klo bhɔ -sü 'gü, 'kɛɛ -a 'gü 'yaa ga -Zlanwo

=blɛɛ' -sü 'ka. 'Segɔ =kënnɔdɔ ö -kɔ 'slɛaga waa- 'segɔ 'sɔɔdhu 'ö =ya bɔ -an 'gü -Zlanwo =blɛɛ' -sü 'ka, 'iin melü -vuu mliɔn =kënnɔplɛ ö -kɔ do (210 000) -nu -dhë. =Mlɛkɛn -se =kɔɔn -me -nu waa 'kpongtaame =plëzë -wo wo 'toto -a -bha, 'ö 'wo 'wun ma -a -ta. Yi dhoë pö ka -dhë, 'kpongtaame =plëzë -wa -dhäköë =nɛ -kɔ 'wo Katolikö -nu -gɔmɛ 'kpüi-

'wo- dhe Zan Pölö dö- (Jean -Paul II) -dho =kaa' -a 'dhö.

-Bhäköë =va bhë, -a -dɔ =kpëümɛ -nu -wo Bili Glaamö zuöpö -a -bha yuö -nu 'ö- kë -na kö -Zlan -yö =bhɛɛ -yö 'dho 'dhiö -Zlan 'tɔ bhɔ -sü 'ka bhë -a -wun 'gü. Yö -de 'pö 'yö =sië 'yö- pö me gbung =va bhë -a -dhë, kö =kun 'wo- pö do 'ü- pö bhë, 'kɛɛ -wa pö : Dëmɛ a nu -na.



'Wun 'ö -gban -potaasü -wun -bha.

'Wun 'ö -gban dhayi -ta 'yua -wun -bha.

Dhayi 'tɔng =ya -lo, kö 'yua =plëzë 'dhoë- nu nɛɛ : 'lükia =suu' - 'wo-

-dhe 'kwiwo 'gü fiɛvlë tifoidë bhë -a 'dhö. -A 'yua =suu' - 'ö 'dhö bhë, me -nu

'ö -an -bha 'tɔng =nɛ -a 'gü 'kpongtaadhe -todhö -sü -bha 'ö tɔɔ me -lü -vuu

mliɔn 'gɔɔdɔ ö ga 'slado (16.000.000), 'kɛɛ me -lü -vuu =kënnɔ' 'slado

(600.000) -kwe -bha. 'Yua =suu'- =ne -yö me 'kpekpe -bha 'wun 'gbee- 'ka. -Yö me -kë -kö =klë =ε? -A me kë -kö bhë -a zü -dö 'nene 'gbee- -bha me kë -sü 'ka, 'ö 'siö -yö -ziö -a -me kwi 'gü 'gbagbadhö 'ö -a 'nimlo -yö -da 'göyaaaga 'ö ga 'sleaga -nu, 'göy -yiisië -nu 'gü, 'ö me -ya bho ö -de -ta.

=Ya 'gomü, 'ö 'yi -yö bho me bhë -a 'gluu, =yöon -nu -wo =kaan -a 'ka, ö- 'gu -yö =ploo 'gbee- 'ka 'ö- 'yënnng -yö =nië, 'ö- 'gü -yö ga, 'ö- -gö 'gü -ma 'gbegbe -de 'pö -a kë -yuö -mü. -A -bha me kë -kö -nu 'wo bhë -wo -bho 'lukia -bha, =ya kë -wa -ga 'lukia 'ka 'wo- 'dhe -kë 'lukia =blëedhe 'ka. =Ya kë -yö

me -zë 'yenazë 'ka. 'Yua =suu' bhë -a -siö -göa yö =plë : -dekunsë, -zo kë 'yi -wun 'piö -sü, (yö mü -yi 'ka oo, -yö 'zlu -yi 'ka oo, -yö so 'zlu -yi 'ka oo), 'Zludhe -kun -së -sü, pëkpadhe -kun -së -sü waa =gbeagüdhe -kun -së -sü, 'kö -zütodhe -nu -yuökë -sü -kplawo, 'wo tää -a -siö -blëezë. -A kë =plë -naa 'ö

tää meë 'sü -sü 'ö 'wo- -kë -kwe =plë -bha. =ya 'gomü, me 'ö 'yua bhë =yaa- 'kun 'ö- -bha me kë -kö -nu 'yi =dhonng bhë 'ka- yö, -ka dhoë =dhongtröö plöö -wa -ga, -wa 'dhe kë, 'yaa 'pö, ka -bha me -dho ga ka -köta 'waawa. Ka -zobüö -wo 'yi- =blëë' -na bhë.

Bho -sü =plëezë

'Wun 'ö -gban -bhöppë -bhö -dhe, yö mü -dhe waa- 'tan kë -dhe -an -bha.

-Dhe -nu 'wo 'kë me -nu -zo bho -dhe 'ka bhë, -Zlanwo 'tan -nu -wo 'we -na 'ma zlöö 'ö 'dho -na 'dhiö. -Dhe 'wo -kë -bhöppë -bhö -dhe -nu 'ka, yö mü -dhe -saasaa -nu, 'iin 'zü 'tan kë -dhe -nu 'ka, -Zlanwo 'tan -nu ma -sü -wun 'yaa 'gbee- -an -bha gbö. 'Ö su -glu =luu' -sü -bha kwa -gö 'se 'gü, 'wun 'plë =ya =dhië' -köa, 'ö

-zotadhe -nu -de 'pö 'waa do 'pö gbö. Yesu -wun -dhewungiamë 'bhaa -nu -wa -pö: « yaa -dhe -makun kö -wo -Zlan 'tö -vëi zë -dhe 'wo bhë -an -bha =dëë -yi =ne -a 'gü. -Zlan 'ö 'slööslö bhë, -yö -dhe -makun kö -wa =bhlë -ya, kö =kun 'wo- 'tö bho 'flëë -dhe -nu 'wo -dhuuzë bhë -an -bha. » 'Ö 'wo- -yöëta -kë -zü =neë : -zuu yaa bhë -a 'pii 'gbee- yö

-möö kö -yö bö 'wun -nu bhë -a -ta kö -yö -da -Zlan -bha 'në -nu 'piö -gö 'gü -yö -an dö -gböudhö. 'Ö me 'bhaa -nu -de 'pö 'wo- pö -yö -së kö me -nu -wo 'dho 'kpongtaame -nu 'ö -an -bha =gougbeedhe -ya -an =dhong bhë -an 'piö, -wo -an 'gan -Zlan -gö köa. Bhii nii -nu 'ö kwa -bhawun yö -an 'gan -sü -bha -Zlan -bha =bhöö' -se 'gü 'wo bhë.

Klito yaa- pö -ka 'dho 'se 'kpekpe 'gü 'ka 'wuntaasë bö =a? =Ya kë 'dhö kö kwa -dho go kwa -gö -Zlan gbadhe -nu -bha 'kwa dho -bhöppë bhö -dhe -nu, yö mü -dhe -nu 'iin 'tan këdhe -nu -bha kö 'kwaan- -Zlan 'tö 'saa -blü 'ma a?

Ka -wo tää më -ε?

'Yee -wun

-Yö -kë 'sego do 'bhaa 'gü, -Zlankö do -yö -kë mü -wo 'dhoë- bhea' me 'kpekpe -wo gblü wo 'gu ta 'fëfedhö, 'wo wo -gö -gblü, 'wo wo 'yan kpö ta gbegbe. =Ya kë 'dhö 'ö 'wo buzi ga do dö.

Kë =ne buzi ga =ya 'pün, =ya yën -a ka, 'ö -an bha pasütëë -ya pö -an -dhë -wo =luu'. 'Ö yi do 'ka dhebo dö 'ö 'wo- -bha wun -döadhiö -kë wun =suazë 'ka 'ö =ya kë =gbeengbeëen 'yö nu =bhea' -dhia =ne

-kö do 'wo- kë -na 'dhiö bhë -a 'dhö.

Gblüënnu 'wo- wo wo 'gu -ta bhë, 'ö dhebo bhë 'ö- -bha wunga -yö -ma =buzi -bha 'këë yaa =dhuu', 'ö buzi ga yö -püö sea- -a -bha 'wunga 'bhaa -ta yaa- 'wun dö. =Dhe -kë 'dhö, 'ö- -bha wun ga -yö -ya 'güö -sü -bha. Me -nu 'wo -kë =bhea' -dhia, 'ö -an yun -yö pë 'tëë ma -wo wun 'güö -sü 'tëë -ma, 'këë -wo wo -zota =ne -Zlan 'ö =yöo pëyi 'tëë -sëëzë

'ka wo -ta bhë. 'Wo -ya =bhea' -sü -bha wo =faan' 'plë 'ka 'sönggösönggö, 'wo dhoë 'dhiö, kö =wa wo 'yan kpö ta 'gbee- 'ka. =Dhe 'wo =bhea' -na 'wo 'dho -na -a 'ka 'dhiö kö dhebo bhë 'siö -yö 'më -na 'bhlöbho 'ka -a -gö 'ka. -A -bha 'ka -yö -kë -a -zo 'piö =ne -Zlan 'yö ö -kö 'ta -na ö -bha wun ta bhë. 'Yö- pö yö dö =ne 'ö -Zlan -yö -dhega ö -bha =bheawo 'piö. =Dhe 'ö 'töng 'bhle =ya ziö kö 'yaa- 'kun -dhe yö -na gbö, 'yö- pö :

-Zlan giagia 'pö 'yö ö -kö 'ta -na n tuö =ne =e, 'iin dügöme -mü =e? =Dhe 'ö 'siö 'dhoë- -gö 'güö -na, 'yö ö =zlöa 'yö ö 'yan -po -slëëdhö, 'ö =ya =gblaagbla -sü -bha 'gbee 'ka =neë : -Zlan yaa =yöo'- dügöme -mü. 'Ö 'suö -yö -da me 'kpekpe 'gü 'wo =gbloo sea- 'wo -pen. -Kwaa kë 'slë 'ka, =bhea -kö -göa -dedhëzë dedhëzë =plëezë =wa kë -dhö =dëë.

Kese Alüfönsë

-Piën

Kwa -möö kö 'kwa 'wun =zöan' 'sü göon- dö do 'ö- -bha 'në -yö -püö 'yi =bhaa 'ö- -wun 'dhö 'sëëdhe -be 'në 'bhaa 'wo- -dhe ('waa 'wön yaa "yuv bho 'wön yaa 'ka) -a 'gü bhë -a -bha. 'Wön =zöan' -së -giagia -mü. -A 'sëëdhe -be 'në bhë

<< 'Waa 'wun yaa 'pë bho 'wun yaa 'ka. >>

-yö 'maa -wo 'gü. -A 'dhöö -bha -yö "Ze Emanuel -gö "Maadhö.

Ü -ya 'yö =ya 'wun yaa kë ü 'ka, -kö =kun 'ü- =dei' -da -a -gö 'wun yaa 'ka. Ü -bha -yö kë 'wun -së kë -sü 'ka -a -me -dhë, -a -gen tää 'wun -së kë -me 'yaa =dhong -Zlan -gö

gbokungbokundhö. -Kwaa kë -zian =mëë'- kö 'kwa kwa -de 'kun 'wun -nu kë -sü 'gü bhii -yö kwa bha 'wundödhe waa- kpaakpadhe -zön me -dhë.

'Wun -tao

1)- 'Sëedhe -be 'në -nu 'ö- -an -yö plaan -sü 'yaa =gbεen gbɔ 'wo =nε :

1) " Yesu Klito tɔɔ 'kpongtaame -nu Dhame "

2) Yesu 'Klito -bha me =daan' -wo -nu

3) -A me 'ö -gban 'Lükia -bha me kë kɔ waa- -a 'dhe kë -kɔ -bha 'Wo- -dhe : =Göö- waa- 'lükia

4) 'Yua =plëzë waa- ö 'dhe kë -kɔ -nu

2)-
=Ya 'go mü 'zü, =klang -së
'bhaa 'ö -gban 'me 'ö- =zuö' =ya -gi, -a
'wun kë -kɔ 'wo dhoë- kë, kɔ -a =zuö'
-yaan -püö -a -bha, -a =klang' bhë
'wo- -dhe : « =zuö' 'gü bhüö -dhe bo
-kɔ ». =Klang' bhë -yö -dho kë =Daan'
'segɔ 'gü. -A do -yö -dho kë-
-Zuɔngwiö, 'su 'ö 'kwa- -dhe 'kplotëi
'ö 'kwi -nu -wa -dhe zue (Juillet) bhë,
-a -dhekpaaɣi 'gɔɔplε ö ga 'sɔɔdhu
(25) 'ka 'ö yöë -dhekpaaɣi 'gɔɔyaaga
(30) -bha. -A -da plöö -yi 'ö tɔɔ
dhekpaaɣi 'gɔɔplε ö ga -yiisië (24). 'Ö-
do 'bhaa -kë =Daan' pö- yaandhe gia-
-bha.
-A -da plöö -yi 'ö tɔɔ 'kpotei
bhë -a -dhekpaaɣi 31 'ka, 'ö =klang'
züdɔ 'su 'ö 'kwa- -dhe -Dɔdhe 'ö 'kwi
-ya -dhe Utö (Août) bhë -a -dhekpaaɣi
-blezë (1) 'ka, 'ö dho 'ö yöë
-dhekpaaɣi 'slado (6) -bha. Me -nu 'wo
ka =dhɔɔkë bhë, yi ka =faan' 'më -na
kɔ 'ka kë =klang' bhë -a -ta =va, 'ö
tɔɔ pë -së -ya 'gü =va.

Pë 'bin =plε 'wo =nε -wo -bho wo 'koë- , -a -blezë bhë me =daan'-pë -ya -bha 'ö -gban -kë 'ko 'piö-kɔ -së -bha. -Ka ka-zo
'ta -a 'gü, 'ka- =bεen'. -A 'bhaa-yö zian -ta, 'yië- bɔ =ya yën bhë, -a -gen -nu 'ka- yö bhë, 'ka dho -an bɔ yi -dhë.
'Kεε -a kë =plε -naa bhë, -a =zaadhe 'sleaga -ya -bha -an =mεε'-



'Ka yën 'sëedhe =nε -a pö -sü -bha -ka ka -bha -zotadhe -nu bɔ yi -dhë. Yi 'yan -yö ka -bha 'sëedhe -nu -go.

Me -nu 'wo 'sëedhe 'ö =nε -a =bεen -an 'tɔ 'wo =nε Sai Zoziasü, -Kese Mɔyan, Zafe 'Dhɔɔgbö, Valangten
Vidrinö waa- Edhena Pedhekwalösökaya 'wo go Lusi -sε 'gü 'ö yöë Hanesü 'ö go suisü -a -bha.
Yi -bha 'sëedhe kë -dhe 'nimlo 'ö =nε : SIL 08 BP 857 Abidjan 08 Tel : 22 43 12 72